



13 JUL, 2021

Bekas ADUN Batu Maung dituduh rasuah lebih RM11j

Berita Harian, Malaysia



Page 1 of 2



Bekas ADUN Batu Maung didakwa terima rasuah lebih RM11 juta

Datuk Mansor Musa yang juga penggerusi koperasi syarikat hartanah hadapi 106 tuduhan.

Nasional 16

Bekas ADUN Batu Maung dituduh rasuah lebih RM11j

Mansor hadapi 106 pertuduhan terima suapan wang tunai, barang berharga

Oleh Nur Izzati Mohamad
bhnews@bh.com.my

Butterworth: Bekas Ahli Dewan Undangan Negeri (ADUN) Batu Maung, Datuk Mansor Musa, 58, dihadapkan ke Mahkamah Sesyen, di sini, semalam, atas pertuduhan menerima rasuah berbentuk wang tunai dan barang berharga bernilai lebih RM11 juta.

Tertuduh yang juga penggerusi koperasi syarikat hartanah bagaimanapun mengaku tidak bersalah terhadap semua 106 pertuduhan yang dibacakan di hadapan Hakim Norhayati Muhamad Yunus.

Mengikut pertuduhan, Mansor yang juga Ketua UMNO Bahagian Bayan Baru didakwa menerima wang tunai, aset dan saham melalui syarikat yang berbeza membabitkan nilai keseluruhan melebihi RM11 juta antara September 2011 hingga 10 Ogos 2020.

Tertuduh berdepan 42 pertu-



Mansor yang berdepan 106 tuduhan rasuah tiba Mahkamah Butterworth, semalam.
(Foto Danial Saad/BH)

duhan di bawah Seksyen 4(1)(a) Akta Pencegahan Pengubahan Wang Haram dan Pencegahan Pembentukan Keganasan 2001 [Akta 613] (AMLATFA 2001) dan 64 pertuduhan di bawah Seksyen 4(1)(b) Akta Pencegahan Pengubahan Wang Haram, Pencegahan Pembentukan Keganasan dan Hasil Daripada Aktiviti Haram

2001 [Akta 613] (AMLATFAPU-AA 2001).

Jika sabit kesalahan di bawah AMLATFA, tertuduh boleh dihukum tidak lebih RM5 juta atau penjara tidak lebih lima tahun atau kedua-dua sekali.

Sementara bagi AMLATFA-PUAA pula, tertuduh boleh dihukum penjara sehingga 15

tahun atau denda tidak kurang daripada lima kali ganda jumlah atau nilai hasil daripada aktiviti haram yang diambil.

Difahamkan, ketika prosiding kes berlangsung berlaku gangguan elektrik hingga memaksa menukar tiga mahkamah dengan mengambil masa hampir empat jam untuk menghabiskan semua pertuduhan terhadap tertuduh.

Kes dikendalikan pasukan pendakwaan diketuai Pengarah Kanan Bahagian Perundungan dan Pendakwaan Suruhanjaya Pencegahan Rasuah Malaysia (SPRM), Datuk Faridz Gohim Abdullah bersama Muhammad Asraf Mohamed Tahir dan Muhamad Azlan Basri manakala tertuduh diwakili peguam Kek Boon Wei dan Helen Ng.

Ketika prosiding, Faridz memohon kepada mahkamah supaya menetapkan wang jaminan RM2 juta dengan seorang penjamin terhadap tertuduh namun Boon Wei merayu supaya anak guamnya diberikan jaminan munasabah RM100,000.

Mahkamah membenarkan tertuduh diikat jamin RM500,000 dengan seorang penjamin dan menetapkan 28 September sebagai tarikh serahan dokumen.

Kelmanin, Mansor ditahan SPRM selepas dipercayai menerima wang rasuah dan barang berharga yang berjumlah lebih RM16 juta.



13 JUL, 2021

Bekas ADUN Batu Maung dituduh rasuah lebih RM11j

Berita Harian, Malaysia



Page 2 of 2

SUMMARIES

Datuk Mansor Musa yang juga penggerusi koperasi syarikat hartanah hadapi 106 tuduhan. Nasional 16Bekas ADUN Batu Maung didakwa terima rasuah lebih RM11 juta

Mansor hadapi 106 pertuduhan terima suapan wang tunai, barang berharga

bhnews@bh.com.my Butterworth: Bekas Ahli Dewan Undangan Negeri (ADUN) Batu Maung, Datuk Mansor Musa, 58, dihadapkan ke Mahkamah Sesyen, di sini, semalam, atas pertuduhan menerima rasuah berbentuk wang tunai dan barang berharga bernilai lebih RM11 juta.